

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA TATU

KIKAO CHA HAMSINI NA NNE

30 JUNI, 2016



ORODHA YA SHUGHULI ZA LEO

MKUTANO WA TATU

KIKAO CHA HAMSINI NA NNE – 30 JUNI, 2016

I. HATI ZA KUWASILISHA MEZANI:

WAZIRI WA NCHI, OFISI YA MAKAMU WA RAIS (MUUNGANO NA MAZINGIRA):

Taarifa ya Mwaka na Hesabu zilizokaguliwa za Baraza la Taifa la Hifadhi na Usimamizi wa Mazingira kwa Mwaka ulioishia tarehe 30 Juni, 2015 [*The Annual Report and Audited Accounts of the National Environment Management Council (NEMC) for the Year ended 30th June, 2015*].

WAZIRI WA FEDHA NA MIPANGO:

Taarifa ya Mwaka ya Mfuko wa PPF kwa Mwaka unaoishia tarehe 30 Juni, 2015 (*The Annual Report of PPF Pensions Fund for the Year ended 30th June, 2015*).

WAZIRI WA ELIMU, SAYANSI, TEKNOLOJIA NA UFUNDI:

Taarifa ya Shughuli za Chuo Kikuu Huria cha Tanzania kwa Mwaka 2014/2015 (*Report of the Activities of the Open University of Tanzania for the Year 2014/2015*).

MWENYEKITI WA KAMATI YA HAKI, MAADILI NA MADARAKA YA BUNGE:

Taarifa ya Kamati ya Haki, Maadili na Madaraka ya Bunge kuhusu shauri la Mhe. Joseph Osmund Mbilinyi (Mb) kuhusiana na kutoa Ishara ya matusi Bungeni.

II. MASWALI:

OFISI YA WAZIRI MKUU:

461. MHESHIMIWA KHATIB SAID HAJI (KONDE):

Atamuuliza Mheshimiwa Waziri Mkuu:-
Kumekuwa na mfululizo wa migomo, misugvano na migongano ya mara kwa mara kwa wafanyakazi wa viwandani na Kampuni binafsi zinazotokana na malalamiko ya mishahara na maslahi ya wafanyakazi:-

Je, ni mfumo upi na viwango gani vilivyowekwa kisheria wanavyotakiwa kulipwa wafanyakazi wa viwanda na Kampuni binafsi.

OFISI YA RAIS (TAMISEMI):

462. MHESHIMIWA MARIAM NASSORO KISANGI (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Wajasiriamali katika Mkoa wa Dar es Salaam hususan Machinga na Mama Lishe wamekuwa wakisumbuliwa sana na Mgambo wa Jiji hali inayowafanya kushindwa kujitafutia riziki ya kila siku:-

Je, Serikali inawasaidiaje Wajasiriamali hao wadogo wadogo ambao hujipatia riziki zao kupitia biashara ndogo ndogo.

WIZARA YA MAJI NA UMWAGILIAJI:

463. MHESHIMIWA DEOGRATIAS FRANCIS NGALAWA (LUDEWA):

Atamuuliza Mheshimiwa Waziri wa Maji na Umwagiliaji:- Bonde la Mto Ruhuhu lililopo katika Kata ya Ruhuhu Wilaya ya Ludewa ni eneo muhimu sana linaweza kuzalisha mazao mengi na kupunguza uhaba wa chakula Tanzania:-

Je, Serikali ina mpango gani wa kuliendeleza Bonde hilo.

WIZARA YA NISHATI NA MADINI:

464. MHESHIMIWA JAMAL KASSIM ALI (MAGOMENI):

Atamuuliza Mheshimiwa Waziri wa Nishati na Madini:- Kwa miaka mingi nyuma TANESCO ilikuwa ndicho chombo kilichohusika katika kuuza na kupanga bei za umeme kwa wateja wake katika makundi tofauti ya wateja wake katika nchi yetu mpaka pale EWURA ilipoanzishwa na kuanza kufanya kazi:-

- (a) Je, ni vigezo gani ambavyo EWURA inavitumia katika kupanga bei hizo;
- (b) Je, kuna unafuu gani wanaopata kwa wateja wanaochukua umeme katika mikondo mikubwa ya KV 11, KV 33 na KV 132.

465. MHESHIMIWA LUCY SIMON MAGERELI (VITI MAALUM):

Atamuuliza Mheshimiwa Waziri wa Nishati na Madini:- Machimbo ya Madini ya ujenzi yaliyoko Kigamboni yanatoa malighafi muhimu sana inayosaidia ujenzi katika Jiji la Dar es Salaam; machimbo haya yanatoa ajira kwa zaidi ya wakazi 6000 na ndio machimbo yenye mwamba laini kwa Mkoa wa Dar es Salaam ikilinganishwa na madini ya ujenzi yanayotoka Goba:-

(a) Je, Serikali haioni kuwa utaratibu wa kuratibu zoezi la kufunga machimbo haya utakosesha ajira kwa watu zaidi ya 6000;

(b) Je, kwa kufunga machimbo hayo Serikali haioni kuwa inawanyima fursa Wananchi wa Dar es Salaam na Pwani kupata madini ya bei nzuri na kuwapunguzia gharama za ujenzi.

WIZARA YA VIWANDA, BIASHARA NA UWEKEZAJI:

**466. MHESHIMIWA AMINA NASSOR MAKILAGI
(VITI MAALUM):**

Atamuuliza Mheshimiwa Waziri wa Viwanda, Biashara na Uwekezaji:-

(a) Je, Viwanda vinavyozalisha nguo aina ya Khanga vipimo vyake na ubora wake vinafaa kwa matumizi ya wanawake wa Kitanzania;

(b) Je, upande wa Khanga kwa kila Kiwanda ni mita ngapi;

(c) Je, malighafi gani inayotumiwa kuzalisha Khanga kati ya Pamba, uzi wa Katani, uzi wa nailoni au uzi wa Sufi.

WIZARA YA UJENZI, UCHUKUZI NA MAWASILIANO:

467. MHESHIMIWA AUGUSTINO MANYANDA MASELE (MBOGWE):

Atamuuliza Mheshimiwa Waziri wa Ujenzi, Uchukuzi na Mawasiliano:- Barabara ya Butengo Lumasa – Iparamasa – Mbogwe – Masumbwe ni barabara muhimu sana kwa maendeleo ya Wananchi wa Wilaya ya Mbogwe na Mkoa wa Geita kwa ujumla:-

Je, Serikali ina mpango gani wa kuifanyia usanifu wa kina na upembuzi yakinifu barabara hii na hatimaye kuijenga kwa kiwango cha lami.

WIZARA YA MAMBO YA NDANI YA NCHI:

468. MHESHIMIWA MARWA RYOBA CHACHA (SERENGETI):

Atamuuliza Mheshimiwa Waziri wa Mambo ya Ndani ya Nchi:- Kumekuwepo na vifo vyenye utata wa kisiasa lakini inapotokea Mpinzani kupoteza maisha havipewi kipaumbele katika upelelezi na hatua zinazochukuliwa.

Je, Serikali inatoa tamko gani juu ya hali hiyo.

WIZARA YA MALIASILI NA UTALII:

469. MHESHIMIWA MENDRAD LUTENGANO KIGOLA (MUFINDI KUSINI):

Atamuuliza Mheshimiwa Waziri wa Maliasili na Utalii:- Jimbo la Mufindi Kusini linazungukwa na Msitu wa Serikali na vijana wanaoishi humo hawana ajira:-

- (a) Je, Serikali haioni umuhimu wa kuwapa vibali vya kupasua mbao ili kwa kazi hiyo wajiajiri;
- (b) Je, Serikali haioni haja ya kuwapa vijana hao mitaji ili waanzishe viwanda vidogo vya mbao.

III. KAULI ZA MAWAZIRI:

WAZIRI WA KATIBA NA SHERIA

WAZIRI WA MAMBO YA NDANI YA NCHI

IV. MISWADA YA SHERIA YA SERIKALI:

(Kusomwa Mara ya Kwanza)

Muswada wa Sheria ya Taasisi ya Utafiti wa Kilimo, wa Mwaka 2016 [*The Tanzania Agricultural Research Institute Bill, 2016*].

Muswada wa Sheria ya Taasisi ya Utafiti wa Uvuvi, wa Mwaka 2016 [*The Tanzania Fisheries Research Institute Bill, 2016*].

V. HOJA ZA KAMATI:

MWENYEKITI WA KAMATI YA HAKI, MAADILI NA MADARAKA YA BUNGE

VI. TAARIFA YA KATIBU WA BUNGE:

VII. HOJA YA KUAHIRISHA BUNGE:

WAZIRI MKUU

**DODOMA
30 JUNI, 2016**

**DKT. T. D. KASHILILAH
KATIBU WA BUNGE**